

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17) i člana 33. stav (2) Zakona o kulturi („Službene novine Tuzlanskog kantona“, broj: 22/21), a u vezi sa članom 69. tačka 56. i članom 82. stav (2) Zakona o izvršenju budžeta Tuzlanskog kantona za 2023. godinu („Službene novine Tuzlanskog kantona“, br. 22/22 i 3/23), Vlada Tuzlanskog kantona na sjednici održanoj 18.04. 2023. godine, d o n o s i

ODLUKU

o utvrđivanju uslova, kriterija i postupka za raspodjelu sredstava sa potrošačke jedinice 32010003 – Podrška u oblasti kulture u 2023. godini

Član 1.

(Predmet)

(1) Ovom odlukom utvrđuju se uslovi, kriteriji i postupak raspodjele sredstava u iznosu od 200.000,00 (slovima: dvijestotinehiljada) KM sa potrošačke jedinice 32010003 - Podrška u oblasti kulture.

(2) Sredstva su utvrđena u razdjelu 32 Budžeta Tuzlanskog kantona za 2023. godinu, glava 01, potrošačko mjesto 0003 – Podrška u oblasti kulture na ekonomskim kodovima:

- a) 613900 - Ugovorene i druge posebne usluge u iznosu od 28.000,00 (slovima: dvadesetiosamhiljada i 00/100) KM,
- b) 614200 - Tekući transferi pojedincima u iznosu od 27.000,00 (slovima: dvadesetisedamhiljada i 00/100) KM,
- c) 614300 - Tekući transferi neprofitnim organizacijama u iznosu od 125.000,00 KM (slovima: stotinudvadesetipethiljada i 00/100) i
- d) 614500 - Subvencije privatnim preduzećima i poduzetnicima u iznosu od 20.000,00 (slovima: dvadesethyljada i 00/100) KM.

Član 2.

(Korisnici i namjena sredstava)

(1) Sredstva iz člana 1. stav (2) tačka a) ove odluke dodjeljuju se:

- a) dobavljačima koji će pružati ugovorene i druge posebne usluge u postupcima javnih nabavki koje provodi Ministarstvo za kulturu, sport i mlade Tuzlanskog kantona (u daljem tekstu: Ministarstvo) za sufinansiranje realizacije manifestacije „Dani evropskog naslijeđa“ i projekta „Razvoj čitalačke pismenosti“, kroz organizaciju stručnih i naučnih skupova, okruglih stolova, konferencija, izložbi i drugih događaja u vezi sa pomenutom manifestacijom i projektom.
- b) članovima Savjeta za kulturu, u vidu naknade za rad, u skladu sa rješenjem Ministra za kulturu, sport i mlade Tuzlanskog kantona (u daljem tekstu: Ministar).

(2) Manifestaciju i projekat iz stava (1) tačka a) ovog člana realizovat će Ministarstvo uz učešće javnih ustanova i javnog preduzeća iz resorne nadležnosti, kao i ostalih pravnih i fizičkih lica koja imaju kapacitete da svojim aktivnostima doprinesu uspješnoj organizaciji i prepoznatljivosti navedenog projekta i manifestacije.

(3) Sredstva iz člana 1. stav (2) tačka b) ove odluke dodjeljuju se fizičkim licima, autorima publikacije koja se izdaje, i namijenjena su za sufinansiranje troškova programa/projekta izdavačke djelatnosti, a u skladu sa priloženim predračunima.

(4) Sredstva iz člana 1. stav (2) tačka c) ove odluke dodjeljuju se ustanovama, udruženjima i fondacijama registrovanim za obavljanje djelatnosti kulture iz člana 11. stav (1) Zakona o kulturi („Službene novine Tuzlanskog kantona“, broj: 22/21, u daljem tekstu: Zakon) i namijenjena su za sufinansiranje programa/projekata u oblasti kulture i programa/projekata izdavačke djelatnosti.

(5) Sredstva iz člana 1. stav (2) tačka d) ove odluke dodjeljuju se privrednim društvima koja djelatnost u oblasti kulture obavljaju u vidu osnovne djelatnosti i namijenjena su za sufinansiranje programa/projekata u oblasti kulture i projekata izdavačke djelatnosti.

Član 3.

(Raspodjela sredstava)

(1) Raspodjela sredstava iz člana 1. stav (2) tačka a) ove odluke sa ekonomskog koda 613900 - Ugovorene i druge posebne usluge u ukupnom iznosu od 28.000,00 (dvadesetiosamhiljada i 00/100) KM vršiti će se na sljedeći način:

- a) u iznosu od 25.000,00 (slovima: dvadesetipethiljada i 00/100) KM za namjene iz člana 2. stav (1) tačka a);
- b) u iznosu od 3.000,00 (slovima: trihiljade i 00/100) KM za namjene iz člana 2. stav (1) tačka b).

(2) Raspodjela sredstava iz člana 1. stav (2) tačka b) ove odluke sa ekonomskog koda 614200 - Tekući transferi pojedincima u iznosu od 27.000,00 (slovima: dvadesetisedamhiljada i 00/100) KM vršiće se za namjene iz člana 2. stav (3).

(3) Raspodjela sredstava iz člana 1. stav (2) tačka c) ove odluke sa ekonomskog koda 614300 - Tekući transferi neprofitnim organizacijama u ukupnom iznosu od 125.000,00 (slovima: stotinu dvadesetipethiljada i 00/100) KM vršiće se za namjene iz člana 2. stav (4) na sljedeći način:

- a) u iznosu od 120.000,00 (slovima: stotinu dvadesethiljada i 00/100) za sufinansiranje programa/projekata iz oblasti kulture;
- b) u iznosu od 5.000,00 (slovima: pethiljada i 00/100) KM za sufinansiranje programa/projekata izdavačke djelatnosti.

(4) Raspodjela sredstava iz člana 1. stav (2) tačka d) ove odluke sa ekonomskog koda 614500 - Subvencije privatnim preduzećima i poduzetnicima u ukupnom iznosu od 20.000,00 (slovima: dvadesethiljada i 00/100) KM vršiće se za namjene iz člana 2. stav (5) na sljedeći način:

- a) u iznosu od 10.000,00 (slovima: desethiljada i 00/100) KM za sufinansiranje programa/projekata iz oblasti kulture,
- b) u iznosu od 10.000,00 (slovima: desethiljada i 00/100) KM za sufinansiranje programa/projekata izdavačke djelatnosti.

Član 4.

(Uslovi za programe/projekte u oblasti kulture izuzev programa/projekata izdavačke djelatnosti)

(1) Podnosioci prijave za dodjelu sredstva za sufinansiranje programa/projekta iz oblasti kulture treba da ispunjavaju sljedeće uslove:

- a) imaju sjedište u Tuzlanskom kantonu;
- b) da su registrovani za obavljanje djelatnosti u oblasti kulture najmanje godinu dana u skladu sa zakonom;
- c) da su izmirili obaveze po osnovu poreza i obaveznih doprinosa;
- d) da se predloženi program/projekat odnosi na djelatnost kulture u skladu sa članom 11. stav (1) Zakona;
- e) da za predloženi program/projekat nisu dobili sredstva sa drugih budžetskih pozicija Budžeta Tuzlanskog kantona u 2023. godini;
- f) da su opravdali namjenski utrošak sredstava dodijeljenih od strane Ministarstva i Vlade Tuzlanskog kantona (u daljem tekstu: Vlada) za period 2018-2022. godina;
- g) da se predloženi program/projekat realizuje u 2023. godini (izuzetno prema procjeni Ministarstva moguće je da rok realizacije projekta bude duži, ali najduže do 31.01.2024. godine).

(2) Izuzetno, sredstva se mogu dodijeliti i podnosiocima prijave sa sjedištem izvan područja Tuzlanskog kantona, koji su registrovani na teritoriji Bosne i Hercegovine i koji

ispunjavaju uslove iz stava (1) tačka b) do g) ovog člana, ako se radi o programima/projektima od naročito interesa za Tuzlanski kanton, što će se cijeliti u svakom konkretnom slučaju.

(3) Zbog ograničenog iznosa sredstava, podnosilac prijave može predložiti jedan program/projekt u oblasti kulture, za koji se može dodijeliti maksimalno do 10.000,00 (slovima: deset hiljada i 00/100) KM.

(4) Programi/projekti iz stava (1) tačka d) ovog člana ne mogu biti u suprotnosti sa važećim posebnim propisima za pojedine djelatnosti kulture.

Član 5.

(Programi/projekti u oblasti kulture koji se neće podržati)

Finansijski se neće podržati programi/projekti u oblasti kulture:

- a) koji su zasnovani isključivo na ostvarivanju vjerskih ciljeva;
- b) koji su bazirani na promociji aktivnosti političkih stranaka;
- c) kojima se podrazumijeva finansiranje plaća (bruto i neto lični dohodak) zaposlenika, kao i naknada za rad članovima upravljačkih tijela i odgovornim licima u pravnom licu;
- d) koji su usmjereni na finansiranje redovnog funkcionisanja pravnog lica;
- e) podnosioca prijave koji su budžetski korisnici koji se finansiraju iz Budžeta Tuzlanskog kantona;
- f) kojima se podrazumijeva finansiranje adaptacije, rekonstrukcije, investicionog ulaganja u obnovu objekata, te isključivo kupovina opreme osim ako je oprema neophodna za uspješnu implementaciju projekta (a što je neophodno obrazložiti u projektnom prijedlogu).

Član 6.

(Kriteriji za vrednovanje programa/projekata u oblasti kulture)

Programi/projekti koje ispunjavaju uslove iz člana 4. ove odluke se vrednuju na osnovu sljedećih kriterija:

- a) kvalitet programa i doprinos podizanju kulturnog nivou u kantonu;
- b) kontinuiranost programa/projekta i njegova tradicijska osnova (projektne aktivnosti koje imaju dugoročan učinak i održivost);
- c) adekvatna zastupljenost općina/gradova;
- d) značaj projekata/programa za kulturni život zajednice i društva;
- e) saradnja sa drugim sličnim organizacijama na domaćem i međunarodnom planu i afirmisanje kulture Tuzlanskog kantona.

Član 7.

(Uslovi za programe/projekte izdavačke djelatnosti)

(1) Podnosioci prijave za dodjelu sredstva za sufinansiranje programa/projekta izdavačke djelatnosti treba da ispunjavaju sljedeće uslove:

- a) da su izdavač ili autor sa područja Tuzlanskog kantona;
- b) da su časopis, knjiga ili druga publikacija u vezi sa djelatnostima kulture u skladu sa članom 11. stav (1) Zakona,
- c) da su predočene najmanje dvije stručne recenzije;
- d) da su izmirili obaveze po osnovu poreza i obaveznih doprinosa (odnosi se samo na pravna lica);
- e) da su autori programa/projekta izdavačke djelatnosti za koji podnose prijavu (odnosi se samo na podnosioc prijave koji su fizička lica);
- f) da su uz prijavu dostavili predračune za troškove koji se, u skladu sa finansijskim planom programa/projekta, traže od Ministarstva (odnosi se samo na podnosioc prijave koji su fizička lica);

- g) da za predloženi program/projekat nisu dobili sredstva sa drugih budžetskih pozicija Budžeta Tuzlanskog kantona u 2023. godini;
- h) da su opravdali namjenski utrošak sredstava dodijeljenih od strane Ministarstva i Vlade za period 2020-2022. godina i
- i) da se predloženi program/projekat realizuje u 2023. godini (izuzetno prema procjeni Ministarstva moguće je da rok realizacije projekta bude duži, ali najduže do 31.01.2024. godine).

(2) Zbog ograničenog iznosa sredstava, podnosilac prijave može ostvariti pravo na maksimalno 3.000,00 (slovima: trihiljade i 00/100) KM po programu/projektu izdavačke djelatnosti.

Član 8.

(Programi/projekti izdavačke djelatnosti koji se neće podržati)

Finansijski se neće podržati programi/projekti izdavačke djelatnosti:

- a) koji su udžbenici i druga nastavna sredstva;
- b) koji su projekti dnevne, sedmične i mjesečne štampe;
- c) podnosilaca prijave koji su budžetski korisnici koji se finansiraju iz Budžeta Tuzlanskog kantona;
- d) više od tri izdavačka programa/projekata jednog izdavača;
- e) više od jednog programa/projekata istog autora po izdavaču.

Član 9.

(Kriteriji za vrednovanje programa/projekata izdavačke djelatnosti)

Programi/projekti koji ispunjavaju uslove iz člana 7. ove odluke se vrednuju na osnovu sljedećih kriterija:

- a) kvalitet izdavačkog programa/projekata;
- b) doprinos programa/projekta promociji kulture i kulturnih vrijednosti u Tuzlanskom kantonu;
- c) jačanje kulturnih kapaciteta/razvoj kulturnog kapitala.

Član 10.

(Sredstva koja se ne smatraju dohotkom)

Sredstva iz člana 2. stav (3) ove odluke ne smatraju se dohotkom u smislu odredaba Zakona o porezu na dohodak („Službene novine Federacije Bosne i Hercegovine“, br. 10/08, 9/10, 44/11, 7/13 i 65/13).

Član 11.

(Postupak i način dodjele sredstava)

(1) Dodjela sredstava iz člana 3. stavovi (2), (3) i (4) ove odluke vrši se putem javnog poziva koji raspisuje Ministarstvo i objavljuje na web stranici Vlade: www.vladatk.gov.ba i web stranici Ministarstva: www.mksmtk.gov.ba (u daljem tekstu: web stranice Vlade i Ministarstva), maksimalno do iznosa utvrđenih u članu 4. stav (3) i članu 7. stav (2) ove odluke, do raspodjele ukupnih sredstava predviđenih za utvrđene namjene.

(2) Ministar će imenovati stručnu komisiju za otvaranje, razmatranje, vrednovanje i odabir programa/projekata (u daljem tekstu: Komisija), koja se sastoji od 5 članova imenovanih iz reda istaknutih stručnjaka iz oblasti kulture i zaposlenika Ministarstva.

(3) U svom radu Komisija može, radi što objektivnijeg vrednovanja pojedinih prijava, zatražiti konsultacije eksperata iz oblasti kulture i dodatno pojašnjenje od strane podnosioca prijave.

(4) Komisija donosi Poslovnik o radu kojim bliže uređuje način rada, a o svom radu vodi zapisnik.

(5) Komisija razmatra pristigle prijave u pogledu ispunjavanja uslova iz članova 4. i 7. ove odluke, vrši procjenu kvalitete programa/projekta prema kriterijima za vrednovanje iz članova 6. i 9. ove odluke i sačinjava Rang listu korisnika sredstava sa pozicije „Podrška u oblasti kulture“ za 2023. godinu sa prijedlogom iznosa sredstava i Listu kandidata čije su prijave neblagovremene, nepotpune i neosnovane za dodjelu sredstava sa pozicije „Podrška u oblasti kulture“ za 2023. godinu.

(6) Lista kandidata čije su prijave neblagovremene, nepotpune i neosnovane iz stava (5) ovog člana se objavljuje na web stranice Vlade i Ministarstva.

(7) Komisija dodjeljuje usaglašene bodove od 1-5 za svaki od kriterija pojedinačno, na sljedeći način: 1-veoma loše; 2-loše; 3-odgovarajuće; 4-dobro; 5-veoma dobro.

(8) Ukupan broj bodova za program/projekat predstavlja zbir svih bodova dodijeljenih po svakom kriteriju.

Član 12.

(Programi/projekti koji se sufinansiraju)

Samo programi/projekti koji su ostvarili više od polovine maksimalnog ukupnog broja bodova će biti sufinansirani.

Član 13.

(Odluka o raspodjeli sredstava)

(1) Na osnovu dostavljene Rang liste korisnika sredstava iz člana 11. stav (5) ove odluke Ministar donosi odluku o odobravanju finansijskih sredstava, korisnicima, iznosima i namjeni finansijskih sredstava u okviru Javnog poziva za odabir korisnika sredstava sa pozicije „Podrška u oblasti kulture“ u 2023. godini, na koju daje saglasnost Vlada.

(2) Odluka Ministra iz stava (1) ovog člana se objavljuje na web stranice Vlade i Ministarstva.

(3) Ministarstvo će sa korisnicima sredstava iz stava (1) ovog člana zaključiti ugovore kojima će se utvrditi međusobna prava i obaveze ugovornih strana.

Član 14.

(Način prijave i potrebna dokumentacija)

(1) Podnosilac prijave, je prilikom podnošenja prijave za dodjelu sredstva za sufinansiranje programa/projekata u oblasti kulture, obavezan dostaviti sljedeću dokumentaciju:

- a) Obrazac I-Prijavni obrazac za programe/projekate u oblasti kulture;
- b) Obrazac II-Prijedlog programa/projekta sa finansijskim planom programa/projekta kojim se aplicira, koji sadrži potpunu specifikaciju troškova i visinu sredstava koja se potražuje od Ministarstva;
- c) rješenje o upisu u odgovarajući registar pravnih lica kod nadležnog organa sa svim izmjenama (ovjereni fotokopija);
- d) aktuelni izvod iz odgovarajućeg registra pravnih lica ne stariji od tri mjeseca od dana objave javnog poziva (original ili ovjereni fotokopija);
- e) obavještenje o razvrstavanju – Klasifikacija djelatnosti (original ili ovjereni fotokopija);
- f) uvjerenje o poreskoj registraciji (ovjereni fotokopija);
- g) listu programa/projekata u oblasti kulture, realizovanih u 2022. godini, potpisanu od strane ovlaštenog lica i ovjereni pečatom, dok podnosioci prijave koji nisu realizovali niti jedan program/projekat u oblasti kulture u 2022.

godini dostavljaju izjavu o navedenoj činjenici potpisanu od strane ovlaštenog lica i ovjerenu pečatom;

- h) izjavu ovjerenu kod nadležnog gradskog/općinskog organa ili notara da podnosilac prijave za predloženi program/projekat nije dobio sredstva sa drugih budžetskih pozicija Budžeta Tuzlanskog kantona u 2023. godini;
 - i) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starije od tri mjeseca od dana podnošenja prijave (original ili ovjerena fotokopija);
 - j) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave. Podnosilac prijave koji nije sistemu PDV-a dostavlja izjavu o navedenoj činjenici, ovjerenu kod nadležnog gradskog/općinskog organa ili notara (original ili ovjerena fotokopija);
 - k) potvrdu od banke o broju otvorenog transakcijskog računa, ne starija od tri mjeseca, u kojoj je jasno naznačeno da račun podnosioca prijave nije blokiran. Za budžetske korisnike koji koriste depozitne račune potrebno je dostaviti potvrdu od nadležnog organa uprave na čije je ime otvoren depozitni račun, s brojem depozitnog računa i instrukcijom za plaćanje (original ili ovjerena fotokopija).
- (2) Podnosilac prijave - pravno lice je prilikom podnošenja prijave za dodjelu sredstva za sufinansiranje programa/projekata izdavačke djelatnosti, obavezno dostaviti sljedeću dokumentaciju:
- a) Obrazac III-Prijavni obrazac za pravna lica za programe/projekte izdavaštva;
 - b) rješenje o upisu u odgovarajući registar pravnih lica kod nadležnog organa sa svim izmjenama (ovjerena fotokopija);
 - c) aktuelni izvod iz odgovarajućeg registra pravnih lica ne stariji od tri mjeseca od dana objave javnog poziva (original ili ovjerena fotokopija);
 - d) uvjerenje o poreskoj registraciji (ovjerena fotokopija);
 - e) obavještenje o razvrstavanju – Klasifikacija djelatnosti (original ili ovjerena fotokopija);
 - f) finansijski plan predloženog izdavačkog programa/projekata, sa potpunom specifikacijom troškova i visinom sredstava koju potražuje od Ministarstva;
 - g) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starije od tri mjeseca od dana podnošenja prijave (original ili ovjerena fotokopija);
 - h) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje, ne starije od tri mjeseca od dana podnošenja prijave. Podnosilac prijave koji nije sistemu PDV-a dostavlja izjavu o navedenoj činjenici, ovjerenu kod nadležnog gradskog/općinskog organa ili notara (original ili ovjerena fotokopija);
 - i) izjavu o publikacijama izdatim u 2022. godini, ovjerenu kod nadležnog gradskog/općinskog organa ili notara, dok podnosioci prijave koji nisu izdali niti jednu publikaciju u 2022. godini dostavljaju izjavu o navedenoj činjenici ovjerenu kod nadležnog gradskog/općinskog organa ili notara;
 - j) potvrdu ili drugi dokaz izdat od strane Javne ustanove Narodna i univerzitetska biblioteka „Derviš Sušić“ Tuzla (Biblioteke kantona), Nacionalne i univerzitetske biblioteke Bosne i Hercegovine i javne biblioteke na svom

- općinskom području (original ili ovjerena kopija) o tome da je, u skladu sa članom 9. Zakona o izdavačkoj djelatnosti („Službene novine Tuzlanskog kantona“ broj: 3/02) izvršena obaveza dostavljanja obaveznog broja primjeraka izdatih publikacija prema navedenim bibliotekama u 2022. godini (dostavljaju samo podnosioci prijave koji su imali izdate publikacije u 2022. godini);
- k) odluku izdavača ili drugi dokument kojim je utvrđena cijena jednog primjerka publikacije (original ili ovjerena fotokopija);
 - l) dvije stručne recenzije (sa originalnim potpisima recenzenata);
 - m) izjavu ovjerenu kod nadležnog organa da podnosilac prijave za predloženi program/projekat nije dobio sredstva sa drugih budžetskih pozicija Budžeta Tuzlanskog kantona u 2023. godini;
 - n) potvrdu od banke o broju otvorenog transakcijskog računa, ne starija od tri mjeseca, u kojoj je jasno naznačeno da račun podnosica prijave nije blokiran. Za budžetske korisnike koji koriste depozitne račune potrebno je dostaviti potvrdu od nadležnog organa uprave na čije je ime otvoren depozitni račun, s brojem depozitnog računa i instrukcijom za plaćanje (original ili ovjerena fotokopija).
- (3) Podnosilac prijave - fizičko lice je prilikom podnošenja prijave za dodjelu sredstva za sufinansiranje programa/projekata izdavačke djelatnosti ove odluke, obavezno dostaviti sljedeću dokumentaciju:
- a) Obrazac IV-Prijavni obrazac za fizička lica za programe/projekte izdavaštva;
 - b) CIPS obrazac PBA 3 (original ili ovjerena kopija) ili ovjerena fotokopija lične karte;
 - c) finansijski plan predloženog izdavačkog programa/projekata, sa potpunom specifikacijom troškova i visinom sredstava koju potražuje od Ministarstva;
 - d) izjavu o publikacijama izdatim u 2022. godini, ovjerenu kod nadležnog gradskog/općinskog organa ili notara, dok podnosioci prijave koji nisu izdali niti jednu publikaciju u 2022. godini dostavljaju izjavu o navedenoj činjenici ovjerenu kod nadležnog gradskog/općinskog organa ili notara;
 - e) potvrdu ili drugi dokaz izdat od strane Javne ustanove Narodna i univerzitetska biblioteka „Derviš Sušić“ Tuzla (Biblioteke kantona), Nacionalne i univerzitetske biblioteke Bosne i Hercegovine i javne biblioteke na svom općinskom području (original ili ovjerena kopija) o tome da je, u skladu sa članom 9. Zakona o izdavačkoj djelatnosti („Službene novine Tuzlanskog kantona“ broj: 3/02) izvršena obaveza dostavljanja obaveznog broja primjeraka izdatih publikacija prema navedenim bibliotekama u 2022. godini (dostavljaju samo podnosioci prijave koji su imali izdate publikacije u 2022. godini);
 - f) izjavu ovjerenu kod nadležnog gradskog/općinskog organa ili notara o cijeni jednog primjerka publikacije, sa odgovarajućim predračunima ili računima, koji su isključivo u vezi sa troškovima izdavanja publikacije;
 - g) izjavu ovjerenu kod nadležnog gradskog/općinskog organa ili notara da je autor programa/projekta izdavačke djelatnosti za koji podnosi prijavu;
 - h) dvije stručne recenzije (sa originalnim potpisima recenzenata);
 - i) izjavu ovjerenu kod nadležnog organa da podnosilac prijave za predloženi program/projekat nije dobio sredstva sa drugih budžetskih pozicija Budžeta Tuzlanskog kantona u 2023. godini;

- j) potvrdu od banke o broju otvorenog transakcijskog računa, ne starija od tri mjeseca, u kojoj je jasno naznačeno da račun podnosioca prijave nije blokiran.

(4) Obrazac I-Prijavni obrazac za programe/projekate u oblasti kulture, Obrazac II-Prijedlog programa/projekta sa finansijskim planom programa/projekta kojim se aplicira, Obrazac III-Prijavni obrazac za pravna lica za programe/projekte izdavačke djelatnosti i Obrazac IV-Prijavni obrazac za fizička lica za programe/projekte izdavačke djelatnosti, su sastavni dio ove odluke i mogu se preuzeti sa web stranica Vlade i Ministarstva.

Član 15.

(Preraspodjela sredstava)

U slučaju da se ne utroše predviđena sredstva po pojedinim namjenama iz člana 3. ove odluke, neutrošeni iznos se može preraspodijeliti za druge namjene utvrđene članom 3. ove odluke, za koje predviđena sredstva eventualno ne budu dovoljna.

Član 16.

(Nedostatak sredstava)

U slučaju nedostatka sredstava u Budžetu Tuzlanskog kantona za 2023. godinu, obustavit će se realizacija dodjele sredstava u potpunosti ili djelimično, srazmjerno nedostajućim sredstvima.

Član 17.

(Dostavljanje izvještaja)

(1) Korisnici kojima su odobrena sredstva odlukom Ministra iz člana 13. stav (1) ove odluke, dostavljaju Ministarstvu narativni i finansijski izvještaj o namjenskom utrošku sredstava na način i u rokovima koji će se definisati ugovorom iz člana 13. stav (3) ove odluke.

(2) Korisnik koji ne postupi u skladu sa odredbom stava (1) ovog člana ne može ostvariti pravo na dodjelu sredstava za sufinansiranje programa/projekta za narednu godinu.

Član 18.

(Stupanje na snagu)

Odluka stupa na snagu danom donošenja i biti će objavljena u "Službenim novinama Tuzlanskog kantona".

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

Broj: 02/1-36-8507-1/23
Tuzla, 18.04.2023. godine

